



14487

kat. komp.

III Mag. St. Del P

*Picrianowski Stanisl. Jov: Corona sepulchralis.*

PANEG. et VITAE  
Polon. Fol.  
№ 533.

S

D

CO

M.

Biblioteka Jagiellońska



stdr0002507

024  
C O R O N A  
S E P V L C H R A L I S

Perenni monumento,

*Clarissimi olim, & Admodum Reuerendi Domini,*

D. M. FLORIANI  
LEPIECKI,

COLLEGÆ MAIORIS, S. TH. PROFESSORIS,

Ecclesiæ Collegiæ S. FLORIANI Canonici,

Contubernij Jagelloniani PROVISORIS,

Viri de re literaria optime meriti,

*Ex eiusdem Virtutum & meritorum, putcherrimo nexu,  
castis Musarum manibus,*

Superimposita;

*& A*

M. STANISLAO IOZEPHO BIEZANOWSKI, Leop. Collegæ Minor. Ord. Poëscos Professore,

Ad iusta funèralia,

Victuræ clarissimi Viri memoriæ,

Pio, lugubriq; affectu,

CONSERVATA.

Anno Salutis M. DC. LXVI. Die 3. Mens. Decem.


C R A C O V I Æ.

Apud Heredes & Successores LVCÆ KVPISZ, S. R. M. Typ.



II.

l.

  
**C O R O N A**  
**S E P V L C H R A L I S.**

Tumulos sapientum, coronarum in modum componere,  
ad coronidem Sapientiæ spectat.  
Heroas, victoresq; in Regno sapientiæ dari, vt nemo ambigit;  
ita nulla terræ portio, felicior, digniorq; coronis;  
quam quæ in Sarcophagum illis concessa, non flores tantum germinat,  
sed coronas.

Luctator perpetuus, virorum sapientum animus,  
per continuas sui victorias, ad coronas vsq; satagit,  
Quidni in exuuijs quoque corporis victor?  
quas deposuit libens, non extortas proiecit.

Lacernam hanc corporis,  
rigor sapientiæ, laceram mauult, attritamquè;  
quam non in vsu, disciplinæq; sensu.  
Pulcherrimum illi; si velut in Sceuæ scuto,  
per centenas laceri corporis rimas, fortior transpareat.

**Nimirum**

Læcior nunquam magnus ille sapientis animus;  
quam cum lacerna hæc, iam & sarcini recusans, solutâ compage deciderit in urnam.

Hoc demum est in opere viuere, in opere mori:  
Hostemque dentibus cum nauigio mordicus tenere,  
si dextram, leuamque amputauerit.

Quidni tam emerito, consumptoq;, in opere virtutis corpori,  
tumulus in coronam assurgat?

Non frustra à Thessalis primùm coronæ in sepulchra venêre;  
sed ab Achillis tumulo coeptæ.

Bellator ille spiritus, in paludamento suo coronari debuit:  
argumento futurus; exuuijs corporis tum optimè, tumulos in coronâ componi,  
cum animo seruierunt ad victorias.

Tibine verò, decus hoc sepulchrale negabimus,  
coronarum vel ipso nomine ferax,

Virorum olim in Regno sapientiæ flos lectissime.

# FLORIANE LEPIECKI:

Maximus Tibi, ex Te ipso, virtutis, gloriæq; nexus:  
Vitaq; omnis dum à florido nomine cœpit, abiit in coronam,

Virum Te nominis Tui, vrna quoq; circumferat;  
Quæ cum in Floralia Musarum effloruerit, feralis esse desinet.

Hoc nimirum egerat Sapia,ntia,

Quæ Te, per eruditos pulueres, ad vsq; coronarum laureas prouexit;  
Vt flos viueres perpetuus, FLORIANVS in vita, coronatus in morte.

Decus Ephæstionis sepulchrale,

duodecim talentorum millibus, Alexandro constitit.

Quidni tam portentosus auri nimbus, ab hac nube?

Tuus tibi calamus, tuum omne impendium

Ephæstiones. Alexandrosq; in funere vicit:

quia funera supergressus, coronas in tumulo scribit, inscribitq;

O Diuum sapientiæ inuentum !

posse mori, desinere non posse:

codem ingenio, ad momentum sæculaque sapere:

codem impendio, præsentia, posterosque lucrari.

Meruit hoc fecitq;, deducta ad vitæ coronidem,

consumataq; viri clarissimi virtus & Sapientia.

Felici, proboq; ingenio; labor improbus, cum pertinaci studio sociatus;

mattiros sub flore iuuentæ, assurrexit in fructus.

Dixisses vnum in pectus Gratias immigrasse omnes.  
ita nihil, ab hoc ingenio suadaq; Gratijs omnib' non delibutū.

Nunquam profecto humaniores literæ cultius;

quàm in cultissimo FLORIANI pectore habitârunt;

in quo, flos illibatus animi leposq;, nō Tusculanū Musis tantum

sed Tibur quoq;, Hymettumq; fecerat.

Ingenij palmam vbiq; adeptus, laurus quoque Academicas exmeritò accepit.

Cessant alij, dum ad coronas veniunt:

implicantq; animum, dum frontem explicant ad Corymbos.

Ille tum vel maximè in stadio puluereq;, cū in Olympicis Academiæ laureatus processit

Diuina Poësis, suadaque, aureas viri manus,

cum ad sæculi nostri gloriam, calamo aptasset tornatiles fecerat.

Quidquid ex hac officina prodijt, ad tornum amussimq; exactum,

inter operum insignia habitum est.

cum omnia lucem meruissent, quæ scripserat;

lucem non omnibus concessit, quam dederat omnibus.

Calamum tamen eius, lux ubique secuta, etiam cum negasset, prorupit,  
 vna manus, in opere Centimanos prouocans,  
 Lampades in funeribus accendit; Felicitatem Poloniae ex Lilijs,  
 Medem ex triumphis VLADISLAI collegit;  
 Coronas Ciuicas Regibus, Vota Secunda connubijs Principum dedit;  
 ceu augustis tantum nominibus sacra:  
 cum multa scriberet: nunquam non in coronas, mytrasque incidens,  
 Maiestatis ubique negotium ageret, spiraretque;  
 Secuta ad vtrumque Collegium, sua Viri calamum Maiestas,  
 Tullium, è cathedra TILICIANA, ore tam natiuo expressit  
 Quam nihil, ad priscam Latij normam, purius.  
 Arcana Theologiae aggressus,  
 Theologus iam pridem in Romana Sapientia, Doctor,  
 Scientiae, conscientiaeque profectus, vtramque paginam impleuit.  
 Ab eo tempore, rigidus sui exactor factus,  
 Nunquam non sub Catone Censorino vixit.  
 Cum sublimius ascendisset, descendit in se profundius:  
 Ad mysteria doctrinae, Vitae quoque ministerium disponens;  
 Secreuit animum longius, quò seuerius castigaret.  
 Extenuare Vitam non timuit;  
 Dum attenuata in spiritum, eo propius accederet;  
 Vbi secretorum à comertio carnis Spirituum, sedes est,  
 compositus intra, morique in lucro ponens,  
 Disposuit mortem in vita, praue nitque, semper in portu nauigans,  
 Suprema stabulas, indentidem repetens, reformansque, naufragium mortis effugit.  
 Agere, & pati fortia, Academicum esse,  
 Moribundo ad ferias septembres, sermone, cum decreuisset;  
 Decretum ipse suum, tuleritne animosius, an subierit,  
 Ad excessum Nouembris, in Cruce Christi, cum D. ANDREA excedens,  
 Anxiâ Curiosas mentes disquisitione absoluit.  
 Putasses cum ex pacto cum morte agere;  
 Ita sermocinari de ea, festiuèque in vestibulo tractare licuit.  
 Nimirum, serenum hoc, à conscientiae luce, nitoreque;  
 Cui dum immoritur;  
 Ad huc nè sepulchralis, in exuuijs Corona, non efflorescet;  
 Quarum animus, vel in nouissimis, tantum effloruit  
 Circumdabit hunc, Coronam iustitiae Deus;  
 Dum in monumento quoque Coronatum,  
 Sua ubique sequetur  
**FLORIANVM CORONA.**

BIBLIOTH. UNIV.



JAGELLONICAE

*J. xxii. g.*

apit.

t;

ic;

s,

stas,

rellit.

us.

or,

leuit.

us:

nens;

st.

gans.

effugit.

isset;

it,

dens,

cuit.

h;

scet;

e.

19.

